



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1682. usque ad annum 1690

Fleury, Claude

August. Vind. [u.a.], 1781

VD18 90119231

§. 56. Auriacus Princeps a conjuratis ad capessendum Regnum evocatus.

[urn:nbn:de:hbz:466:1-67608](https://nbn-resolving.org/urn:nbn:de:hbz:466:1-67608)

Vidua, quinque Nobilibus Matronis, Sæc. XVII. A. C. 1688.
 obstetrice, & octodecim Proceribus in
 proximo cubiculo præstolantibus, enixa
 esset, hunc nonnisi Matri suæ supposito
 fuisse calumniabantur, imo Burnet
 præter abortivum fœtum die decima
 Junii primum, eo autem ipsa hac
 die mortuo secundum pariter Richemund
 diæ post aliquot septimanas defunctum,
 ac denique tertium scilicet Jacobum
 Eduardum fuisse suppositum comminiscitur:
 Adeo sibi non constat mendax hæc fabula,
 ut eam refellere supervacaneum foret,
 atque ipsimet Protestantæ Angli atrocissimam
 hanc calumniam ideo duntaxat ut veram
 credere simulabant, quia eorum proposito,
 & honestandæ rebellionis tum deserviebat.

§. LVI.

Auriacus Princeps a conjuratis ad capessendum Regnum evocatus.

Attamen conjurati Calvinistæ sui propositi metam nondum plene attigisse censebant per hoc turpissimum commentum, quo sine omni veritatis furore per summam injuriam, calumniamque atrocissimam Jacobum Walliæ Principem illegitimo thoro fuisse progenitum, proin successionis hæredita-

Mem. de la dern. Revol. p. 281. Carol. mem. lib. 9.

Sæc. XVII. riæ incapacem finxerunt, ipse etiam
 A. C. 1688. Pater folio dejiciendus erat, ut inte-
 gram Domum Stuartam funditus ever-
 terent, & Catholicam religionem peni-
 tus e Regno eliminare possent. Hunc
 in finem Prædicantes nil opportunius
 censebant, quam ut sparsis variis libel-
 lis & calumniis primo Regem populo,
 militibus, Proceribusque invisum red-
 derent. Occasionem illis rursus sup-
 peditabat Regis mandatum, quo etiam
 milites regii adstringebantur, ut revo-
 cando juramento, legibusque pœnali-
 bus operam suam conferrent, aut arma
 ponerent; integræ ergo legiones, ex-
 ceptis duobus Tribunis paucisque Ca-
 tholicis, arma posuere, nautæque in-
 dignati, quod Archithalassus rem Divi-
 nam in navi sua ritu Catholico celebrari
 jussisset, ægerrime cohiberi poterant,
 quin non Sacerdotes Catholicos in mare
 præcipites agerent. insuper incen-
 toribus Pseudo-Episcopis inter Ecclesiam
 Anglicanam & Non-Conformistas,
 imo etiam inter utramque factionem,
 quæ vulgo *Torys* & *Whiggs* appella-
 batur, arctum concludebatur fœdus:
 Omnium sententia eo abibat, ad libe-
 randam patriam a despotico Regis im-
 perio, necnon ad religionem ab interitu
 redimendam nil magis expedire, quam
 Guilielmum Arausionensem Ducem ac
 Catho-

Catholicorum hostem ad invadendum Sæc. XVII.
 Regnum & sceptrum invitare: Eo fine A. C. 1688.
 Procerum potissimi sub vario obtentu
 Hagam profecti, hac de re cum præfato
 Duce sua contulere consilia, opemque
 Batavorum implorabant, Gilbertus quo-
 que Burnetus, aliique Prædicantes,
 in Hollandia conspirationem contra Re-
 gem conflagrant, cum interea Londi-
 nensis & Bristolliensis Pseudo-Episcopi,
 necnon Henricus Sidneyus, pluresque
 Proceres primarii in Anglia seditionem
 pecuniis, armisque clam promovere
 certarent. Horum votis toto capite an-
 nuebant Batavi, rebellionis ope liber-
 tatem redimere jam dudum edocti,
 suis quoque consiliis obtentum suppe-
 ditabat dissidium Colonienſe ob Für-
 ſtenbergii electionem exortum; Gallicæ
 enim invasionis metum simulantes, va-
 lidam classem instruebant, atque exer-
 citum prope Noviomagum contrahe-
 bant: Aberat longe Jacobus Rex a tam
 atrocis conspirationis suspitione, quam-
 vis ab Avausio Comite Oratore Gallo,
 & Skeltone Anglico Regis Legato de-
 super admonitus fuisset: Respuit quo-
 que Rex oblatam a Rege Franciæ clas-
 sem, ac triginta armatorum millia;
 suadebant Jacobo ejus amici, ut Ba-
 tavos hostiliter aggredereſetur, qua in-
 vatione facta Auriaci consilia absdubio
 fuissent

Sæc. XVII, fuissent everfa: nil aliud tamen a Jacobo
 A. C. 1688. securitatis fiducia decepto impetrari po-
 terat, nisi quod a Batavis sciscitaretur, quo hic apparatus spectaret? cui ta-
 men hi sat arroganter responderunt, se quoque nescire, quem numerosus
 Regis exercitus, & valida ejus classis peteret. Hoc responsum latentis con-
 jurationis suspicionem Regi tandem in-
 gessit, quocirca die vigesima prima
 Septembris Regio diplomate declara-
 vit, quod religionem Anglicanam &
 Protestantes ab omni metu liberaturus
 consentiret, ut Catholici a plebæi Or-
 dinis Senatu excluderentur. Paulopost
 constante fama, omniumque sermone
 divulgatum est, quod Auriacus cum
 Batava classe Angliam invasurus esset:
 quapropter Rex suæ securitati consul-
 turus, sex Episcoporum tum Londini
 degentium, quid in præsentis rerum vi-
 cissitudine agendum, sententiam exquisi-
 vit, ac die vigesima octava Septembris
 edito diplomate suis subditis exposuit,
 quod exteri a turbidis, pessimisque ho-
 minibus sollicitati sub Religionis pa-
 triæque libertatis prætextu Regnum
 invadere pararent, suas igitur vires
 contra ejusmodi invasores Regiis jun-
 gerent: die etiam secunda Octobris om-
 nibus reis (nonnisi septendecim ex-
 ceptis) veniam, criminumque oblivio-
 nem

Sæc. XVII.
A. C. 1688.

nem pollicitus est: Altera die Cantuariensis Archiepiscopus, aliique octo Episcopi ab Auriaco instigati Jacobo Regi suaserunt, ut Regni administrationem in variis Provinciis, nobilitate conspicuis Viris juxta Regni leges cederet, Curiam Ecclesiasticam aboleret, omnesque dispensationes & scholas publicas in Catholicorum favorem concessas revocaret, potestati dispensandi in legibus nuntium mitteret, quatuor Episcopis Catholicis jurisdictioni Ecclesiasticæ usum demeret, vacantibus Episcopatibus, aliisque Beneficiis in Anglia & Hibernia Viros pietate & eruditione claros præficeret, liberum Parlamentum convocaret, ac denique ad Ecclesiam Anglicanam ejusque religionem reverteretur: Ad horum consilium Rex, ut populum aliquantulum placaret, biduo post Curiam Ecclesiasticam suppressit, Londinensi urbi sua restituit privilegia, & plures Provinciarum Rectores, aliosque Magistratus Catholicos, subrogatis Protestantibus exauctoravit: verum hac remissione subditos suos a concepta rebellionem adeo non retrahere poterat, ut etiam Londinensis populus proximo Auriaci adventu elatus, jam palam in Catholicorum Sacella impetum facere præsumeret, ac præcipue quidam in Jesuitarum

Sæc. XVII. Templo Concionatorem, qui plura in
 A. C. 1688. S. Literis a Protestantibus depravata
 probaverat, mendacii palam arguerent; unde excitato tumultu non pauci graviter vulnerati recessere & Concionator a petulanti populo in platea impetitus, ægre mortem eluctatus est, ea propter Rex omnia Catholicorum Sacella occludi jussit.

§. LVII.

Auriacus Princeps ex Hollandia in Angliam appulsus.

Hist. des Revol. Salm
Hist. d' Angl. **D**um hæc interim in Anglia gerebantur, Guilielmus III. Princeps Auriacus edictum in Britanniam præmisit, in quo declarabat, se a quamplurimis Angliæ Nobilibus & Clero ad tuendam religionem, Regniq; leges, quas Jacobus Rex eversum iret, evocatum eo fine in Regnum penetrare, ut ad tollendas vexationes, quibus Jacobus Anglos hucusque pressisset, liberum Parlamentum convocaret, quod suppositi Walliæ Principis natalia ac successio- nis causam jusque Regni Ordinibus discutiendum committeret, atque ex auctoratis exteris militarem disciplinam revocaret, simulque Protestanticam atque Anglicanam religionem a malevolorum machinationibus tutaretur: Pa-
 riter